

Headline **Mimos anjur sidang GCC**  
Date **07. May 2008**  
Media Title **Harian Metro**  
Section **Variasi**  
Circulation **336603**  
Readership **2192000**

Language **MALAY**  
Page No **5**  
Article Size **95** cm2  
Frequency **Daily**  
Color **Full Color**

## Mimos anjur sidang GCC

**C**ABANG penyelidikan teknologi maklumat dan komunikasi (ICT) utama negara, Mimos Berhad akan menganjurkan Persidangan Perkomputeran Grid (GCC) pada 15 hingga 16 Mei ini bersempena dengan Kongres IT Sedunia ke-16 (WCIT 2008) pada 18 hingga 22 Mei 2008 di Pusat Konvensyen Kuala Lumpur.

GCC disasarkan untuk membawa guna pakai grid di Malaysia kepada satu tahap yang lebih baik serta memupuk ke arah pengwujudan kerjasama di antara pemain serta pakar perkomputeran grid dalam dan luar negara untuk berkongsi pengalaman bagi meningkatkan penggunaannya di Malaysia.

Ia turut mengenengahkan inisiatif GRID Pengetahuan Malaysia (dulu dikenali sebagai Perkomputeran Grid Kebangsaan) dan bagaimana hendak meningkatkan industri serta enterpris tempatan, mengenal pasti trend pasaran, projek perkomputeran grid di Malaysia dan perkomputeran grid di sector awam atau swasta di rantau Asia.

Persidangan itu juga dijangka akan membincangkan bagaimana perkomputeran grid boleh mengurangkan masalah ju-

rang digital di samping dapat menambahbaik produktiviti negara dan taraf sosioekonomi di Asia.

Dalam pada itu, Mimos akan melancarkan gerbang e-BioChem untuk membolehkan penyelidik bio-kimia di seluruh dunia berkongsi pengetahuan dan kepakaran.

Persidangan dua hari itu adalah khusus untuk jamputan khas saja yang mana ia akan memberi peluang kepada peserta mendengar buat pertama kalinya ceramah dari wakil badan forum dunia seperti Open Grid Forum, German D-Grid, Enabling Grids for E-Science, Pacific Rim Applications dan Grid Middleware Assemble (PRAGMA), Thai National Grid Centre, Makmal Penyelidikan Gunaan Kebangsaan Taiwan, Institut Kebangsaan bagi Sains Industrial dan Teknologi Dimajukan Jepun serta lain-lain entity grid terkemuka dunia.

Pada pameran WCIT 2008 pula, Mimos akan memaparkan beberapa inovasi terkini yang dihasilkan dari inisiatif GRID Pengetahuan Malaysia yang disasarkan untuk merapatkan jurang digital termasuk Makcik PC, simulasi pembelajaran inovasi menggunakan Cybertablet dan K-Komuniti.